

سنه لکی در سعادت ایچون مجیدیه
بکرمی غروش حسابیه التمش
غروشدر

طشمره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

تَبْلِیغات

آبونه اولقی ایستینلر دائره عدلیه ده
اداره مخصوصه سنه مراجعت
ایملیدر
اعلاماتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تَبْلِیغات

یولتیقه وسوء قصد وفعل شنیعدن ماعدا جرائم ایله
محکوم اولان مجرمیندن در سعادت حبس خانه عمومیسند
محبوس اولوب ثلثان مدت جزایه لرینی اکیل ایدن
۱۷۷ ذکور و ۷ اناث که جمعاً ۱۸۴ کشینک «ولادت
باهر السعادت حضرت رسالتپناهی» شرافت و حرمتیه
اخلائی سیلاری و طشمره حبس خانه لرنده محکوماً
محبوس بولنان بومثللو مجرمینک دخی عفو عالی
جناب پادشاهیدن استفاده ایتک اوزره کیفیتک
هر طرفه تلغراف ایله تبشیری خصوصیه اراده مراحم
معتاده جناب جهانبانی شرفتعلق بیورلمش و برمنطوق
امرو فرمان هایون اقتضاسنک ایفاسی ضمننده عدلیه
نظارت جلیله سندن ضبطیه نظارت جلیله سیله در سعادت
استیناف مدعی عمومیلکنه تذکرلر تسطیر و طشمره
محاکم استینافیه سی مدعی عمومیلکیرینه کیفیت تلغراف
ایله تبلیغ و تبشیر ایدلمش و مذکور حبس خانه عمومیده
محبوس اولوب مظهر عفو عالی اولان مجرمینک
حضوری معتاد اولان ذوات مواجهه سنده سیلاری
تخلیه اولنه رق عمومی طرفندن دعای تمادی عمر
وعافیت واجلال ولی نعمت بیمنت اعظمی یاد و تذکار
قلنمشدر.

یا لکنز اداره جهتجه رئیس اولک تحت نظارتنده
بولندیغی کوسترلمش و اصول محاکمات جزایه قانوننک
یکرمی دردنجی والی اوچنجی ماده لرنده دخی مدعی
عمومیلرله مستنطقلردن برینک غیوبتی حالنده یرلرینه
اعضادن و یاخود اعضا ملازملرندن مناسبتک رئیس
محکمه جانبندن وکیل تعیین قانیه جنی صورت مطلقه ده
محرر و مسطور بولنش اولسنه نظراً حقوق عمومیه نامنه
اجرای تعقیبات و وظیفه سیله مکلف بولنان محاکم مذکور
مدعی عمومی معاونلریله مستنطقلرینک متن شقه ده
تصویر اولندیغی اوزره جرائم مشهوره تحقیقاتنه
کیتیمک و یا خسته لق کی اسباب مانعه طولایسیله
موقع مأموریتلرینه کله مدکری تقدیرده امور عدلیه نک
سکته تعطیلدن و قایه سی ایچون وکیل قانونیلرینه
تودیع وظیفه صورتیه اتخاذ اولنه حق تدابیرک امر
اداره یه ده تعلقندن ناشی کرک رئیس اول و مادتین
مذکور تینک اطلاق عبارته سی اعتباریه کرک جزا
رئیس طرفلرندن اتخاذ و اجرایی مجاز اولوب
بولنلر برینه حصر معامله یه لزوم و ایجاب قانونی
اولدیغنک جواباً مذکور مفتشله تبلیغی افاده
واولوجهله عدلیه نظارت جلیله سندن تبلیغ ماده
قلنمشدر.

محاکمات و مقدمات

محکمه تمیز استدعا دائره سندن تنظیم واعطا

قلنان اعلامدر:

معموره العزیز ولایتی استیناف محکمه سی جزا
دائره سندن لاحق اولوب ۲۰ تموز سنه ۳۲۱ تاریخنده
تفهیم ایدیلان وظیفه قرارینی حاوی اعلامک تمیزینی
مستدعی محکمه مذکور مدعی عمومیلکی طرفندن
ویریلان ۲۵ تموز سنه ۳۲۱ تاریخلی استدعاینامه
واوراق متفرعه سی باش مدعی عمومیلک مأموریت
بهیه سنک ۱۱ تشرین ثانی سنه ۳۲۱ تاریخلی تبلیغنامه سیله

قضابدایت محاکمی مدعی عمومی معاونلریله مستنطقلرینک
جرائم مشهوره تحقیقاتنه عزیمتلرنده و یاخود معذرت
مشروعهری وقوعنده وظائف قانونیه لرینی بالوکاله
ایفا ایدمک اولان اعضانک محاکم مذکور حقوق
وجزا ریسارندن هانکیسی جانبندن تعیینی اقتضا
ایده جکی استفسارینی متضمن سلانیک عدلیه
مفتشلسکندن وارد اولوب انجمن عدلیه یه حواله
قلنان ۲۳ تشرین ثانی سنه ۳۲۲ تاریخلی شقه اوزرینه
تشکیل محاکم قانوننک یکرمه نچی ماده سنده بر رئیس
اول ایله ایکی اعضا و بر رئیس ثانی ایله کذلک ایکی
اعضادن ترکب ایتک اوزره ایکی دائره یه تقسیم اولنان
قضا محاکمک وظیفه جه مستقل و بر درجه ده اوله رق

محکمه تمیز استدعا دائره سنه تودیع اولنغله لدی التذقیق
مذکور استدعاینامه نک مدت قانونیه یه موافق اولدیغی
اکلاشلدیغندن اوراق مرقومه دائره جه قرائت
ومطالعه اولندی.

اعلام مذکورک مالی خانه لرنده توتون قیمغه
مخصوص بچاق وهوان ایله برکیلو چچاق توتون
دردست اولنمسندن طولای مظنون علیهما اولانلردن
سالم افدینک برائته و برادری ایوب افدینک قرق
غروش جزای نقدی ایله محکومیتنه دائر ویریلان
قرارک ایوب افدی یه عائد جهتی عند التیمیز نقض
واعاده اولنمی اوزرینه یکیدن اجرا قلنان محاکمه ده
مومی الیهک اقامتکاهی خرپوت قضاسی اولسنه ورثی
دعوالرینک رؤیتی اصول محاکمه حقوقیه قانونیه تابع
اولوب قانون مذکورده دخی هر دعوی مدعی علیهک
اقامتکاهی محکمه سنده رؤیت اولنه جنی مصرح
بولنسنه بناءً اوراق دعوانک قضاء مذکور بدایت
محکمه سنه تودیغنه دائر ویریلان قرارک استیناف
ایدلسی اوزرینه اولنابده جریان ایدن محاکمه استینافیه ده
موافق اصول اولان حکم ابتدائینک تصدیقه قرار
ویرلیدکندن و مذکور استدعاینامه یه مربوط لایحه ده
مندرج اعتراضاتک خلاصه سی دخی سالم وایوب
افدیله حق لرنده کی دعوی بدایت مرکز بدایت
محکمه سنده اقامه ایدلمش و جرم مذکورک دخی
بومحکمه داخلنده وقوعبولمش و اخیراً اجرا قلنان
محاکمه ده نه مدعی شخصی ونه ده مظنونلر طرفلرندن
برکونه صلاحیت دعواسی سبق ایتماش ایکن محکمه نک
رأساً عائدیت قراری ویرمی مخالف اصول وقانون
بولنش اولدیغندن و سائرده دن بحثله مذکور اعلامک
نقضی طلبندن و تبلیغنامه نک مفادی دخی جرم
مذکورک محکمه مذکورده نک دائره قضاسی داخلنده
وقوعبولمش اولسنه نظراً لایحه ده محرر اعتراض بجا
کورلیدکندن حکم مذکورک نقضی لازم کله جکی
بیانندن عبارتدر.

ایجابی لدی المذاکره رژی نظامنامه سنک التمشنجی
ماده سی موجبجه رژی یه متعلق دعوالرده کرک مظنونلرک

جلب واحضارنده و دعوانك تدقیقه و كرك حكمتك
و اوراقك تبلیغده و اجرایه متعلق معاملاتده اصول
محاکمه حقوقیه قانونی احكامنه توفیقاً اجرای معامله
اولنه جنی مصرح اولوب یوقسه محكمه نك ذهابی
وجهله هرجهتده اصول مذكوره مابه التطبيق
اوله میهنه و ذاتاً اولجه محكمه بدایجه مومی الیه
ایوب افندی حقنده محاکمه اجرا قلنهرق محكوم
ایدلش و بمحکومیت قراری تمیز اولنهرق نقض
اولمش اولمنه نظرآ یکدن رؤیت دعوی اولفق
لازم کلور ایکن مومی الیهك اقامتکاهی خربوت
قضای اولدیندن بمثل اوراقك قضاء مذکور بدایت
محكمه سته تودینه دأ و بریلان قرارك تصدیق ایدلسی
یولسز و مخالف اصول اولدیندن اصول محاکمات
جزایه قانونك اوچوز اون دردنیجی و اوچوز اون
طقوزنجی ماده لری احكامنه توفیقاً اعلام استیناف
مذکوركذ کر اولنان اسابدن طولانی نقضه و اولوجهله
ایضای معامله اولفق اوزره اوراق مرقومه نك محله
اعاده سنه ۲۹ تشرین ثانی سنه ۳۲۱ تاریخنده متفقاً
قرار ویرلدی .

—*—

قوری اوغلی عثمانی قتل ایلدیکی ادعا اولنسندن
دولای جنایتله اتهام اولنان ترفلی اوغلی شعبانك اون
بش سنه مدته کورکه قونلسنه دأر سینوب سنجای
بدایت محكمه سی جزا دأرهنسندن ویریلان ۱۱۳
نومرولی اعلام

مصطفی اوغلی علینك کیفیت قتلندن دولای
جنایتله اتهام اولنان محمد بن قاسمك اون بش سنه
مدته کورکه قونلسنه دأر ارغنی سنجای بدایت
محكمه سی جزا دأرهنسندن اعطا قتلان ۱۰ نومرولی
اعلام

مؤمن بن امین افانك دكانندن معلوم المقدار
الحقسی سرقت ایلسندن دولای جنایتله اتهام اولنان
برادری حسنك اوچ سنه مدته کورکه قونلسنه دأر
قرمسی سنجای بدایت محكمه سی جزا دأرهنسندن
ویریلان ۷۵ نومرولی اعلام

کراجی سلو نام دیگر سلیمانك کیفیت قتلندن
دولای جنایتله اتهام اولنان نایدو ولد اسوققونك
اون بش سنه مدته کورکه قونلسنه دأر مناستر ولایتی
استیناف محكمه سی جزا دأرهنسندن ویریلان ۱۱۴
نومرولی اعلام

اشرف بن زکریانك ماده جرخندن دولای
جنایتله اتهام اولنان جلالك اوچ سنه مدته کورکه
قونلسنه دأر کورنجه سنجای بدایت محكمه سی جزا
دأرهنسندن ایکنجی دفعه اولهرق اعطا قتلان ۳۸۲
نومرولی اعلام

وفیق بلك صیغریواناتی سرقت ایمنسندن دولای
جنایتله اتهام اولنان عمر اوغلی حسنك اوچ سنه
مدته کورکه قونلسنه دأر ارضروم ولایتی استیناف
محكمه سی جزا دأرهنسندن ویریلان ۲۸ نومرولی
اعلام

کوکلی قضای اهایلسندن ولی بن عثمانك کیفیت
قتلندن دولای جنایتله اتهام اولنان صالح چلوشك
اون بش سنه مدته کورکه قونلسنه دأر سلا نيك
ولایتی استیناف محكمه سی جزا دأرهنسندن ویریلان
۵۵۸ نومرولی اعلام

هابلو قره سندن حبیبك کیفیت جرخندن دولای
جنایتله اتهام اولنان حسن بن کور عمرك اوچ سنه
مدته کورکه قونلسنه دأر سرفیجه سنجای بدایت
محكمه سی جزا دأرهنسندن ایکنجی دفعه اولهرق
اعطا قتلان ۵۷۶ نومرولی اعلام

کورکی مارقوی قتل قصیده جرح ایلدیکی ادعا
اولنسنندن دولای جنایتله اتهام اولنان متره ولد
اسلا قونك درت سنه مدته کورکه قونلسنه دأر
سلا نيك ولایتی استیناف محكمه سی جزا دأرهنسندن
ویریلان ۵۶۵ نومرولی اعلام

اساعیل بلك دكرمانسندن لیلآ ذخیره سرقت
ایلدیکی ادعا اولنسنندن دولای جنایتله اتهام اولنان
ایوب بن یوسفك اوچ سنه مدته کورکه قونلسنه دأر
سنیجه سنجای بدایت محكمه سی جزا دأرهنسندن
اعطا قتلان ۲۴۰ نومرولی اعلام

احمد نیرك کیفیت قتلندن دولای جنایتله اتهام
اولنان خیری بن قهرک صغرسی جهتهله قرعجی ماده
قانونیه توفیقاً بش سنه مدته حبسنه دأر کورنجه
سنجای بدایت محكمه سی جزا دأرهنسندن ویریلان
۴۴ نومرولی اعلام

اوکی کریمسی حوای قتل و اتلاف ایلدیکی ادعا
اولنسنندن دولای جنایتله اتهام اولنان حسن بن علینك
اون بش سنه مدته کورکه قونلسنه دأر سلا نيك
ولایتی استیناف محكمه سی جزا دأرهنسندن اعطا قتلان
۴۹۲ نومرولی اعلام محكمه تمیز جزا دأرهنسندن
تصدیق قلمشدر .

—*—

درسعدت جنایت محكمه سندن تنظیم واعطا
قتلان اعلامدر :

اوچوز یکریمی ایکی سنه سی نپساننك اوتوز
رنجی کونی چقور بوستانده طاغستانی محمدی جرح
و قتل ایلدیکی اداسیله مظنون علیه بولنان شهرامینده
اقامتله بلك فرونده خیرکارلق ایدن اون طقوز

باشنده آستانه لی حمدی بن محمدك جنایتله اتهامه دأر
هیئت اتهامیه دن تنظیم قلسان مضبطه واستیناف
مدعی عمومیلکك ۱۰ تموز سنه ۳۲۲ تاریخ ۲۹۹۲
نومرولی اتهامه سی اوراق متفرعه سیله معاً محكمه
جنایتله تودیع قلمغه بالمطالع اصول محاکمات جزایه
قانونك باب نائیسنك فصل رابعنده محرر اولان
معاملات ابتدایه بعد الا یفا متهم مرقومك اجرائی
محاکمسی ایچون سنه حالیه اغستوسنك رنجی صالی
کونی تعیین قلدی . یوم مذکورده متهم مرقوم
علی الاصول توقیفخانه دن کتوردیلهرک و کیلی خالد
بلك عدم ورودیه مینی متهم قبول و موافقتیه
وکیل تعیین قلسان و اوراق دعوائی محكمه قلمنده
مطالع ایه مدافعه مهیا ایدوکنی سولیان محكمه
نزدنده مستخدم دعوی وکیلرندن حمدی افندی
واستیناف مدعی عمومیلک معاوانلندن عزتلو بهجت
بك حاضر اولدقلری حالده محاکمه صالونه چققدی .
کیسه نك ادعای شخصیده بولندینی اکلایشله رق
محاکمه عانیه اجراسنه مباشرت و جانب ریاستندن
متهم هویتی بالتدقیق استجواب ضبطنامه سنده محرر
اولدینی وجهله تعین ایتدکنن و متهم ایه وکیلنه
اخطارات لازمه قانونیه ایفا قلندقدن صکره هیئت
اتهامیه مضبطه سی و اتهامنامه ضبط کاتی عبد الصمد
افندی طرفندن قرائت اولندی .

مضبوطه مظنون علیک محمدی بالنساعه جرح
و قتل ایلش اولمنسندن طولای اوراق تحقیقه
محرر دلائل و امارات اتهامه کافی کورلش و حرکتی
قانون جزانك یوز یتش دردنیجی ماده سنك فقره
اولاسی حکمنی مستلزم افعال جنایتیه دن بولمش
اولدیغندن جنایتله اتهامه قرار ویرلدیکی محرر
و اتهامنامه ده دخی مرقومك مضبطه مذکورده مندرجاتی
وجهله اتهام ایلدیکی مسطر در .

اتهامنامه نك خلاصه مائی جانب ریاستندن متهم
مرقومه تفهیم و توضیح و معاون مومی الیه جانبندن
دخی دعوانك تشریح اولمنسی معقب متهم مرقوم
سولندبرلکده وقعه کونی ساعت اون بر یچق
راده لرنده شهرامینی جوارنده کائن چقور بوستان
جاده سندن آتشی مرورنده مصادف اولدینی مقتول
محمد ایه رفیقارندن کندوسی محمدك چاغرمسی
اوزرنه کیمدیکنندن اطاله لسان ایتدیکنی و نقتنه
قصد ایتدکری جهتهه بالچوریه کندوسیده مدافعه
نفسده بولندینی بیان و جانب ریاستندن مدافعه نفسده
بولندکده می سنده بمچاقه اوردك دیووقعیولان سؤاله
وسائر کونه استیضاح احواله جواباً مدافعه نفس
ایتدینی قاچدم دیمک ایستدیکنی و تحقیقات ابتدایه
واستطاقیه ده برکونه اقرارده بولندینی سولیکله

نافذ برعدد جرحه وصول طرف اضلاع کاذبه سی
آلتده ایکی یچق ساتیمترو طولنده عمقی مجهول دیگر
برعدد جرحه وصول ناحیه البوبه سی اوست طرفنده
برساتیمترو طولنده عمقی عضله بقدر دیگر برعدد
جرحه وصول ساعدی قسم علوی و خلفنده برساتیمترو
طولنده دیگر برعدد جرحه کورلش و ظهیرنك
صول طرفنده آلت قاطعه ایه حصوله کلان و جوف
صدره نافذ اولان جرحه سندن متأثراً وفات ایلدیکی
ازبار قاتمشددر .

قراات اولنان اوراق مندرجاتنه تارشو نه دیه چکی
متهم دن صورلدقده فعل جرح و قتل کندوسی
ایقاع ایتدیکی سوزنی سولیدی .

مدعی عمومیلک مقامندن اعطا اولنان پوصله ده
اسملری محرر اولوب دعوت واقعه به اتباعاً ورود
ایتدکری خبر ویریلان شهود یکان یکان حضور
محكمه به چقاریلهرق لدی السؤال طرفنه برکونه
قرابت و مناسبت و خصومتلری اولدینی اکلایشلقدن
وعلی الاصول تحلیف لری اجرا قلندقدن صکره منفرداً
و مواجهه استماع اولندقلرنده بولندن خصصیده
نوبهار محله سنده بیر اغا زقاغنده اون طقوز نومرولی
خانه ده اقامتله چارشوی کیرده یورغانچی طوسونك
یائنده چراقاق ایتدیکنی سولیان اون سکن یاشنده
آستانه لی عرفان بن یوسف وقعه کونی متهم مرقوم
درت بش رفیقیه چقور بوستانده اوطورمقده
و قارشولرنده درت بش قادین بولمنده اولدینی حالده
راقی ایچدکری کورملریله کندوسی یوسف و تحسین
و مقتول محمد اوزاقلاشهرق اوطوردقلرنی وساعت
اون براده لرنده خانه لرنه متوجه رفیقاریله برلکده
کیمکده لرایکن متهم مرقوم رفیقاریله برابر آرقه لرندن
کله رك و مقتول مرقومه اطاله لسان ایدرك
و یائنده کی قادیلره نه باقیورسك دیهرك حامل
اولدینی بمچاغنی بالتشهیر مقتول محمد اوزرنه یوریش
ایسه ده آیردقلرنی و بوسره ده متهمك مقتول مرقومه
خطاباً بونی سنك یانه براقام دیدیکنی و کندوسی
خانه سه کیدوب بعدالطعام قهوه خانه به کیمك ایچون
محل مذکورندن کچدیکننده متهمك رفیقاریله
برلکده مقتول محمدی آره لرنه الهرق الدنك بمچاغی
صوقوب چقاریدینی کوردیکنی و دیگر بر یچاق
کورمش ایسه ده کیمك آلتده اولدینی فرق ایدمه دیکنی
افاده استطاقیه سی وجهله اخبار ولدی السؤال مقتول
محمدی بمچاق بولندینی و متهمك رفیقاری شخصاً
طانور ایسه ده اسملری بیه دیکنی و ایچلرندن
برسی ترسانه لی ایدوکنی و ماده قتل بونی سنك یانکه
براقام دیدکدن بر ساعت صکره وقوعولدینی و متهم

مرقومك بمچاقه مقتولی قاچدفعه اوردینی بیلمدیکنی
و شهادتی حضور محكمه ده کی متهم عائد ایدوکنی
سولیدی .
متهم مرقوم کندوسنه بمچاق کشیده ایدلرندن
بری بو عرفان اولدینی و کندوسی مقتول محمد ایه
مرقوم عرفان چاغردقلرنی و بوسبدن کندوسنه
خصومتی اولدینی بالیان شهادتی قبول ایتیه چکنی
سرد و مرقوم عرفان متهمك اعتراضك خلاف واقع
اولدینی درمیان ایه طعن مسرودی رد ایتدی .

شهرامینی جوارنده جعفر اغاخله سنده یاوراغانك
عره سنده برخانه ده اقامتله قوم قوده یول آراهه چیلنی
ایتدیکنی سولیان یکریمی یاشنده آستانه لی یوسف بن
عثان وقعه کونی عرفان و تحسین و کامل ایه مقتول
محمد برلکده اولدینی حالده چقور بوستانه کیتدکرنده
متهمی درت بش رفیقیه برابر اواره کورملریله اوتوز
قرق ایدم ایلویه کیدوب اوطوردقلرنی و باقدقلرنده
مرقومك رفیقاریله برلکده عشرت ایتدیکی کبی
قارشولرنده اوطوران قادیلره ده راقی و بردکری
کورملریله اواره طورمیوب و خانه لرنه کیمك اوزره
کندی رفیقاریله قالقوب یوله دوامده ایکن خلال طرفنده
متهم مرقوم رفیقاریله یتیشه رك و مقتول محمد اطاله
لسان ایدرك و یائنده کی قادیلره نه باقیورسك دیهرك
واوزرنه هجوم کوستردیکندن رفیقارندن ترسانه لی
صالح آره لرنه کربوب تقریق ایتدیکنن خانه لرنه
کیتدکری و بالاخره محمدك متهم مرقوم طرفندن
جرح و قتل اولدینی ایتدیکنی افاده مضبوطه سی
وجهله ایراد ایلدی .

متهم ایسه شاهد یوسف مقتول محمدك رفیقارندن
اولدینی جهته شهادتی قبول ایتیه چکنی سولیدی .
معجونجیده معجونجی زقاغنده برخانه ده اقامتله
یازمه چیلق ایتدیکنی سولیان یکریمی بریاشنده
آستانه لی حسن تحسین بن محمد وقعه کونی مقتول
محمد و دیگر برطاقم رفیقاریله برلکده چقور بوستانه
کیتدکرنده متهم حدینك رزی عمله سندن حق
و بحرملی صالح و عرب جمیل دیگر برکنی ایه برلکده
اوطورمقده و قارشولرنده برطاقم قادیلر بولمنده
اولدینی حالده راقی ایچمکده اولدقلرنی کوره رك
وسلام ویره رك ایلویه کیدوب اوطوروب بعد
خانه لرنه کیمك اوزره قالدقلرنده متهم مرقوم
رفیقاریله برلکده کندولرنی تعقیب ایدرك و مقتول
محمد اطاله لسان ایدرك و قادیلره نه باقیورسك دیهرك
النده بر یچاق اولدینی حالده اوزرنه هجوم ایتش
ایسه ده آیردقلرنن صکره متهم مرقومك اوغلان

مُجَافَلَاتُ اِنْدِيَا هِيَه

قورنه قضاسی نائی و بدایت محکمه سی رئیس راغب و محکمه مذکوره اعضا سندن مستنطق جعفر و باش کاتب عبده و مدعی عمومی معاونی و کیلی پولیس احمد افندیلرک مواد معینه ده ارتکاب و ارتشا ایله علی الدرجات مأموریتلری سوء استعمال ایلدکری بغداد بصره و موصل ولایتلری عدلیه مفتشکلندن وارد اولان اوراق تحقیقه محتویاتندن اکلاشللمسینه مبنی باش کاتب مومی الیه حقنده توحید تحقیقات اولنق اوزره مومی الیه محاکمه آلتیه آلملرینه عدلیه نظارت جلیله سندن مأذونیت ویریلرک محله تبلیغات مقتضیه اجرا و رئیس مومی الیه کیفیت محاکمه سندن طرف سامی مشیختناهی یهده معلومات اعطا قلمشدر .

اِخْلَافَاتُ

خداوندگار تجارت محکمه سنده :

بروسه ده اوزون چارشوده مقیم تحفه جی آپوستول دیموته اوسک قانوننامه تجارتک ۱۵۰ نجی ماده سی موجبجه موقتاً اعلان افلاسنه و مصالح افلاسیه نک رؤیتی ضمننده باش کاتب رأفت افندیکن ژورقومیسر و دعوی وکیللرندن میقائل وایپلکچی اوغلی یاقو افندیلرک موقت سندیک تعینلرینه و اموال و اشیا و اوراق موجوده سنک تمهیرینه خداوندکار ولایتی تجارت محکمه سنجه قرار ویرلش اولدیغندن قانون مذکورک ۱۷۰ نجی ماده سی موجبجه دائمی سندیک انتخابی ایچون شهر نیسانک یکریمی برنجی جمعه ایرتنی کونی ساعت الی راده لرنده محکمه مذکورنک مصالح افلاسیه رؤیتنه مخصوص اوطه سنده تشکل ایدن ماصیه کلری اعلان اولنور .

امکیشهر تجارت محکمه سنده :

مفلس خرستوقسطنطی رسونک اسکیشهرک کوپری باشنده کی دقیق فابریقه سی مشتملاتیه برابر تاریخ اعلاندن اعتباراً اون بش کون صکره قرار محکمه وجهله مزایده یه قونیه جغندن طالب اولانلرک اسکیشهر قضاسی تجارت محکمه سنده مراجعت ایللری اعلان اولنور .

فوطینی ضرب ایدن اسماعیلک اون کون حبسنه فوطینی ضرب ایدن یانینک ایکی هفته حبسنه حسن ایله محمدک یکدیگری ضرب ایتدکلرندن برر هفته حبسلرینه ظفرینک خلاف ممنوعیت سلاح طاشیدینی ثابت اولدیغندن بش بشلک جزای نقدی اخذینه قسطنینک حلواسنی سرقت ایدن زاریحک مکرر لکی جهتیله الی ماه مدته حبسنه طوماسی ضرب و جرح ایدن یواکمک اوچ ماه حبسنه

یوسفی جرح ایدن احمدک برهفته حبسنه یانینک بیراخانه سندن سرقت تصدی ایدن عدکسینک الی ماه حبسنه

سالمک تپسی سرقت مجاسرتی ثابت اولدیغندن اوچ ماه حبسنه

انسطاش ایله نیکولینک پولیس محمد افندی یی اجرای وظیفه حائنده تحقیر ایتدکلرندن ایکیشر آلتون جزای نقدی اخذینه

اسماعیل و مصطفانک یکدیگری ضرب و جرح ایتدکلرندن برر هفته حبسلرینه

زهرایی ضرب و جرح ایدن خیفه دن بر آلتون آلتوب زهرایه ویرلسنه

استفانی ضرب ایدن فاطمه نک برهفته حبسنه سزائی بکه محل ناموس سوز سویلدیکی ثابت اولان صبحی بکدن یارم آلتون جزای نقدی اخذینه شرکت خیریه فابریقه سندن معدن کموری سرقت ایتدیکی ثابت اولان حسینک اوچ ماه حبسنه

مصطفی و ابراهیم و آندون و کر قورک آغونینک خانه سنی طاشلادکلرندن مرقوموندن اونر بشلک جزای نقدی اخذینه

خره لامبونک اشیاسنی سرقت ایدن یورکینک الی ماه حبسنه

اسپرویی ضرب و جرح ایدن زوقومدن بر آلتون آلتوب اسپرویه اعطاسنه

بلدیچاوشی عثمان افندی یه اجرای وظیفه حائنده حقارتده بولندیغنی ثابت اولان دیگر عثماندن بر آلتون جزای نقدی اخذینه

خلاف تنبیهات حرکتده بولندیغنی اکلاشیلان اورتیه کویده ساکن اوستریا دولتی تبعه سندن یاسفدن بش بشلک جزای نقدی اخذینه

الینی ضرب ایدن آندونک اون بش کون حبسنه در سعادت ، بک اوغلی واسکدار بدایت محاکمی جزا دائره لر نجه قرار ویرلشدر .

نصیبندن کچمسون دیهرک قادیلر ایله برلکده حکیم اوغلی علی پاشا جاده سی جهته کیتدیکنی و کندولریده خانه لرینه عزیمته بعد الطعام اخشام قهوه خانه یه چیقدیغنده محمدک متهم مرقوم طرفندن جرح و قتل اولندیغنی خبر الیغنی افاده استنطاقیه سی وجهل بیان ایلدی .

مهمده شاهد حسن تحسین دیگر بر رفیقیه کندوسنه سلاح تشهیر ایتدیکنی و بر محکمه یه کیتدیکنی و شهادتی قبول ایتیه جکنی اتیان و شاهد مرقومده متهمک سوزینک اصل و اساس اولدیغنی در میان ایلدیلر .

(مابعدی کله جک نسخه یه)

محمد رشدی افندی ایله زهرا خانمک حسن بصری افندی یه محل ناموس سوز سویلدکلرندن بولردن برر آلتون جزای نقدی اخذینه

ملتدادی یی ضرب ایدن جورجینک برهفته حبسنه یاقومینک قرغانی سرقت ایدن یانینک اوچ ماه حبسنه

یورکی ایله میخالی جرح ایدن نیکولینک بر ماه حبسنه

دیتری یی ضرب و جرح ایدن واسیلک برهفته حبسنه

خلیل و سلیمان حقارنده معامله شدت اجرا سیله ضرب ایدن و جبراً مرقوماندن یکریمی اوچ لیرالق بر قطعه دین سندی آلدیغنی ثابت اولان دلاور افندیکن بر ماه حبسنه ابراهیمک کباری ضرب و کبارک ژاندارمه یی تحقیر ایتدیکی و یعقوبک سلاح آلدیغنی ثابت اولدیغندن ابراهیمک برهفته حبسنه و کباردن ایکی آلتون جزای نقدی اخذینه و یعقوبک ایکی کون حبسیله برابر اون بشلک جزای نقدی اخذینه

ممش افندی یه محل ناموز سوز سویلدیکی اکلا شیلان مصطفی افندیکن بش کون حبسنه

سلاح انداخت ایتدیکی ثابت اولان مانولدن بش بشلک جزای نقدی اخذینه

ماریفه یی ضرب و جرح و امواله ایراث خسار ایدن واسیلک اون بش کون حبسنه و ایکی آلتون آلتوب مزبوره یه ویرلسنه

طودوره نک امواله ایراث خسار ایتدکلری اکلاشیلان روز ایله ویرزیندن اونر بشلک جزای نقدی اخذینه

اویه نیانک امواله ایراث خسار ایله برابر مرقومه محل ناموس سوز سویلدیکی ثابت اولان پتروندن برر بچق آلتون جزای نقدی اخذینه